

სახელმწიფო შესყიდვის შესახებ ხელშეკრულება # ელ.ტ.20.02.17
(გამარტივებული ელექტრონული ტენდერი SPA170001721)

ქ. თბილისი,

20 თებერვალი 2017 წელი

ერთის მხრივ, შპს “სახელმწიფო სამშენებლო კომპანია” (შემდგომში – შემსყიდველი), წარმოდგენილი მისი დირექტორის გიორგი შენგელიას სახით და მეორეს მხრივ, შპს „ვი დი ჯი გრუპი“ (შემდგომში – მიმწოდებელი), წარმოდგენილი მისი დირექტორის გივი კალანდარიშვილის სახით, “სახელმწიფო შესყიდვების შესახებ” საქართველოს კანონის მე-3 მუხლის პირველი პუნქტის „რ“ ქვეპუნქტისა და შესყიდვების ერთიანი ელექტრონული სისტემით გამოცხადებული გამარტივებული ელექტრონული ტენდერის (SPA170001721) საფუძველზე, ვდებთ წინამდებარე ხელშეკრულებას შემდეგზე:

მუხლი 1. ხელშეკრულების საგანი

1.1. წინამდებარე ხელშეკრულების საგანს წარმოადგენს პირადი ჰიგიენის პროდუქტების (CPV33700000) შესყიდვა.

1.2. წინამდებარე ხელშეკრულების საფუძველზე მიმწოდებელი თანახმაა მიაწოდოს შემსყიდველს ხელშეკრულების 1.1. პუნქტით გათვალისწინებული საქონელი, ხოლო შემსყიდველი კისრულობს ვალდებულებას მიიღოს მოთხოვნილი საქონელი და გადაიხადოს მისი ღირებულება ხელშეკრულებით გათვალისწინებული წესით.

1.3. ხელშეკრულებით გათვალისწინებული საქონლის დასახელება, რაოდენობა, ერთეულის ფასი და საერთო ღირებულება მოცემულია დანართში №1, რომელიც თან ერთვის ხელშეკრულებას და წარმოადგენს მის განუყოფელ ნაწილს.

მუხლი 2. ღირებულება და ანგარიშსწორების წესი

2.1. ხელშეკრულებით გათვალისწინებული საქონლის ჯამური ღირებულება შეადგენს 3327.00 (სამი ათას სამასოცდაშვიდი) ლარს დღგ-ს ჩათვლით.

2.2. მისაწოდებელი საქონლის საერთო-სახელშეკრულებო ღირებულება დამოკიდებულია ხელშეკრულების 4.1. პუნქტით გათვალისწინებულ ვადაში შემსყიდველის მიერ მოთხოვნილი და მიმწოდებლის მიერ ფაქტიურად მიწოდებული საქონლის ღირებულებაზე.

2.3. მხარეები ანგარიშსწორებას ახორციელებენ ამ ხელშეკრულებით გათვალისწინებულ რეკვიზიტებზე, უნაღდო ანგარიშსწორების ფორმით ლარში.

2.4. შემსყიდველი ანგარიშსწორებას ახორციელებს ეტაპობრივად მიმწოდებლის მიერ ფაქტიურად მიწოდებული საქონლის ღირებულების შესაბამისად ხელშეკრულების 4.4. პუნქტით გათვალისწინებული დოკუმენტაციის წარმოდგენიდან 10 (ათი) საბანკო დღის განმავლობაში.

მუხლი 3. საქონლის შესაბამისობა

3.1. ხელშეკრულებით გათვალისწინებული საქონელი უნდა იყოს ქარხნული შეფუთვით და შეესაბამებოდეს მსგავსი საქონლისათვის უკვე არსებულ სტანდარტებს.

3.2. ხელშეკრულების პირველი მუხლით გათვალისწინებული შესასყიდი საქონელი უნდა შეესაბამებოდეს ამ ხელშეკრულების პირობებს.

3.3. ხელშეკრულების 3.1. და 3.2. პუნქტებში აღნიშნული ნორმიდან ნებისმიერი გადახვევის შემთხვევაში შემსყიდველი უფლებამოსილია არ მიიღოს მიწოდებული საქონელი ან/და მიმწოდებლის მიმართ გამოიყენოს ამ ხელშეკრულებითა და საქართველოს კანონმდებლობით გათვალისწინებული პასუხისმგებლობის ზომები.

3.4. მიმწოდებელი ვალდებულია შეტყობინების მიღებისთანავე განახორციელოს წუნდებული საქონლის ან მისი ნაწილის შეცვლა შემსყიდველის მხრიდან რაიმე დამატებითი დანახარჯების გაწევის გარეშე.

3.5. მიმწოდებელი ვალდებულია სრულად აუნაზღაუროს შემსყიდველს უხარისხო საქონლის მიწოდებით მიყენებული ზიანი.

3.6. შემსყიდველი უფლებამოსილია თვითონ უზრუნველყოს უხარისხო საქონლის მიწოდებით წარმოქმნილი დეფექტების აღმოფხვრა და მოსთხოვოს მიმწოდებელს დეფექტების აღმოფხვრისათვის გაწეული დანახარჯების სრულად ანაზღაურება.

3.7. ხელშეკრულებით გათვალისწინებული საქონლის წარმოშობის ქვეყანა და მწარმოებელი ორგანიზაცია მოცემულია ხელშეკრულების დანართი №1-ში, რომელიც ახლავს წინამდებარე ხელშეკრულებას და წარმოადგენს მის განუყოფელ ნაწილს.

მუხლი 4. საქონლის მიწოდების პირობები და მიღება-ჩაბარების წესი

4.1. საქონლის მიწოდება განხორციელდება ეტაპობრივად, შემსყიდველის მოთხოვნის შესაბამისად, წინამდებარე ხელშეკრულების გაფორმებიდან 2017 წლის 31 დეკემბრის ჩათვლით პერიოდში.

4.2. შემსყიდველი წერილობით ან კომუნიკაციის ელექტრონული საშუალების გამოყენებით აცნობებს მიმწოდებელს საქონლის მიწოდების კონკრეტულ ვადებს, სასურველ მიწოდებამდე არანაკლებ 2 (ორი) სამუშაო დღით ადრე, ხოლო მიმწოდებელი ვალდებულია ამ ვადაში მიაწოდოს შემსყიდველს მოთხოვნილი რაოდენობისა და სახეობის საქონელი.

4.3. საქონლის მიწოდებას უზრუნველყოფს მიმწოდებელი. საქონლის მიწოდების ადგილია: ქ. თბილისი, ოთარ ჩხეიძის 10,

4.4. მიმწოდებელი ვალდებულია შემსყიდველს საქონელი გადასცეს საქართველოს კანონმდებლობის შესაბამისად გამოწერილი სასაქონლო ხედნანდებითა და ანგარიშ-ფაქტურით.

მუხლი 5. მხარეთა უფლება-მოვალეობანი

5.1. მიმწოდებელი ვალდებულია:

ა) ხელშეკრულებით ნაკისრი ვალდებულებების შესრულება განახორციელოს ამ ხელშეკრულებით გათვალისწინებული ვადების შესაბამისად;

ბ) საქონლის მიწოდების პროცესში იხელმძღვანელოს ამ ხელშეკრულების მე-3 მუხლით გათვალისწინებული პირობით;

გ) წინამდებარე ხელშეკრულების გაფორმებიდან 2 (ორი) სამუშაო დღის განმავლობაში გადასცეს შემსყიდველს უსასყიდლოდ დროებით სარგელობაში ხელშეკრულების დანართი №1-ში მოცემული ჩამონათვალის 1-ლი პოზიციიდან მე-3

პოზიციის ჩათვლით გათვალისწინებული საქონელთან თავსებადი 5 (ხუთი) ცალი მექანიკური დისპენსერი თითოეულ პოზიციისაზე და განათავსოს ქ. თბილისი, ოთარ ჩხეიძის 10-ში.

დ) უზრუნველყოს მე-5 მუხლის „გ“ პუნქტით განსაზღვრული დისპენსერების გამართული მუშაობა.

ე) ხელშეკრულებით განსაზღვრული პირობების შესრულებისას საქმის კურსში ჩააყენოს შემსყიდველი ყველა განსაკუთრებული გარემოების შესახებ;

ე) შემსყიდველს უმოკლეს ვადაში აცნობოს მისი ორგანიზაციის მოსალოდნელი რეორგანიზაციის ან/და ლიკვიდაციის შესახებ;

5.2. შემსყიდველი ვალდებულია:

ა) შეუფერხებლად აუნაზღაუროს მიმწოდებელს მიწოდებული საქონლის ღირებულება ამ ხელშეკრულებით გათვალისწინებული ვადების შესაბამისად;

ბ) მიმწოდებელთან ერთად აწარმოოს ინსპექტირება ხელშეკრულებით გათვალისწინებული პირობების შესრულების მიმდინარეობაზე.

5.3. მხარეები იღებენ ვალდებულებას მე-5 მუხლის „გ“ პუნქტით განსაზღვრული დისპენსერების გადაცემაზე შეადგინონ მიღება-ჩაბარების აქტი, რომელიც ფორმდება წერილობითი ფორმით, მხარეთა საამისოდ უფლებამოსილი წარმომადგენლების ხელმოწერით.

5.4. “შემსყიდველი არ იღებს ვალდებულებას ხელშეკრულებით გათვალისწინებული საქონლის მითითებული რაოდენობის სრულ ათვისებაზე.

მუხლი 6. ფორს-მაჟორი

6.1. მხარეები თავისუფლდებიან ხელშეკრულებით გათვალისწინებული ვალდებულებების შეუსრულებლობით გამოწვეული პასუხისმგებლობისაგან, თუ ვალდებულებების შეუსრულებლობა გამოწვეულია დაუძლეველი ძალის (სტიქიური უბედურება, ეპიდემია, ომი, საზოგადოებრივი არეულობა, ცვლილებები კანონმდებლობაში და ა.შ.) ზეგავლენით, რომლის წინასწარ განსაზღვრა ან თავიდან აცილება მხარეების შესაძლებლობას აღემატებოდა. დაუძლეველი ძალით გამოწვეული მოვლენები ეწოდება მოვლენებს, რომლის წარმოშობასა და განვითარებაზე მხარეებს ზეგავლენის მოხდენა არ შეუძლიათ (ფორს-მაჟორი).

6.2. მხარე, რომელსაც მიზეზად დაუძლეველი ძალის მოვლენები მოჰყავს, ვალდებულია დაუყოვნებლივ აცნობოს მეორე მხარეს წერილობით ასეთი მოვლენების დადგომის თაობაზე. ამასთან, მეორე მხარის მოთხოვნის შემთხვევაში, უნდა წარმოადგინოს დაუძლეველი ძალის მოვლენების არსებობის დამადასტურებელი დოკუმენტი, რომ ამ მოვლენამ არსებითად ხელი შეუშალა მხარეს ხელშეკრულებით გათვალისწინებული ვალდებულების შესრულებაში.

მუხლი 7. პასუხისმგებლობა

7.1 ხელშეკრულებით ნაკისრი ვალდებულებების შესრულების ვადების გადაცდენის შემთხვევაში დამრღვევი მხარე ვალდებულია მეორე მხარის მოთხოვნისთანავე გადაუხადოს მას პირგასამტეხლოს სახით ყოველი დაგვიანებული დღისათვის შეუსრულებელი ვალდებულების ღირებულების 0.3 % არაუგვიანეს 14 საბანკო დღეში და უზრუნველყოს დარღვევის დაუყოვნებლივი

გამოსწორება.

მუხლი 8. ინსპექტირება

8.1. შემსყიდველს ან მის მიერ შერჩეულ პირს უფლება აქვს ხელშეკრულების შესრულების ნებისმიერ ეტაპზე განახორციელოს ინსპექტირება მიმწოდებლის მიერ ნაკისრი ვალდებულებების შესრულების მიმდინარეობაზე.

8.2. ამ ხელშეკრულების მოქმედების პერიოდში შემსყიდველი უფლებამოსილია ნებისმიერ დროს განახორციელოს მიწოდებული საქონლის ხარისხის ინსპექტირება.

8.3. შემსყიდველი უფლებამოსილია განაცხადოს უარი უხარისხო (წუნდებული), საქონლის თანმხლები აუცილებელი დოკუმენტაციის გარეშე ან დაგვიანებით მიწოდებული საქონლის ნაწილის ან მთლიანი მოცულობის მიღებაზე.

მუხლი 9. ხელშეკრულების შეწყვეტა

9.1. ხელშეკრულების დამდები ერთ-ერთი მხარის მიერ ხელშეკრულების პირობების შეუსრულებლობის შემთხვევაში, მეორე მხარეს შეუძლია მიიღოს გადაწყვეტილება ხელშეკრულების სრული ან მისი ცალკეული პირობის მოქმედების შეწყვეტის შესახებ, რაზედაც აცნობებს მეორე მხარეს წერილობითი ფორმით.

9.2. ხელშეკრულების ცალკეული პირობების მოქმედების შეწყვეტა არ ათავისუფლებს მეორე მხარეს დანარჩენი ვალდებულებების შესრულებისაგან.

9.3. ხელშეკრულების შეწყვეტის გაფორმება ხდება დანართი შეთანხმების გზით, მაგრამ შეუთანხმებლობის შემთხვევაში მხარეებს უფლება აქვთ გამოიყენონ ხელშეკრულების ცალმხრივად (წერილობითი ფორმით) შეწყვეტის შესაძლებლობა.

9.4. შემსყიდველი უფლებამოსილია ვადამდე ცალმხრივად შეწყვიტოს ამ ხელშეკრულების მოქმედება, თუ:

ა) მიმწოდებელი არღვევს ამ ხელშეკრულების პირობებს (არ ასრულებს ან არაჯეროვნად ასრულებს)

ბ) მიმწოდებლის მიმართ მიმდინარეობს გაკოტრების საქმე (მიუხედავად მისი დაწყების დროისა);

გ) მიმწოდებლის ქონებას დაედო ყადაღა;

დ) მიმდინარეობს მიმწოდებლის რეორგანიზაცია, თუ ეს გარემოება ზეგავლენას ახდენს ან შესაძლებელია მოახდინოს ხელშეკრულების ჯეროვან შესრულებაზე;

ე) საქართველოს კანონმდებლობით გათვალისწინებულ სხვა შემთხვევებში.

მუხლი 10. სხვა პირობები

10.1. ხელშეკრულება ძალაში შედის მხარეთა მიერ ხელმოწერისთანავე და მოქმედებს 2018 წლის 31 იანვრის ჩათვლით.

10.2. ნებისმიერი გადახრა ან ცვლილება ამ ხელშეკრულების პირობებში დაიშვება მხოლოდ ორივე მხარის მიერ ხელმოწერილი წერილობითი შესწორებების საფუძველზე.

10.3. იმ შემთხვევაში, თუ ხელშეკრულებით ნაკისრი ვალდებულებების

შესრულების დროს ამ ხელშეკრულების ღირებულებისა და ანგარიშსწორებიდან გამომდინარე, ან რაიმე წინასწარ გაუთვალისწინებელი მიზეზის გამო წარმოიშვა ხელშეკრულების პირობების შეცვლის აუცილებლობა, მათ შორის ფასების გადასინჯვის შესაძლებლობა, ასეთი ცვლილებები დასაშვებია ხელშეკრულების საერთო შინაარსის ფარგლებში. ამასთან ნებისმიერი ცვლილება, რომელსაც მოყვება ხელშეკრულების ფასის გაზრდა ან შემსყიდველისათვის პირობები გაუარესება, დაუშვებელია გარდა საქართველოს სამოქალაქო კოდექსის 398-ე მუხლით გათვალისწინებული შემთხვევებისა. საქართველოს სამოქალაქო კოდექსის 398-ე მუხლით გათვალისწინებული პირობების დადგომის შემთხვევაში დაუშვებელია თავდაპირველად დადებული ხელშეკრულების ჯამური ღირებულების 10%-ზე მეტი ოდენობით გაზრდა.

10.4. წინამდებარე ხელშეკრულების პირობების ნებისმიერი ცვლილება უნდა გაფორმდეს ხელშეკრულების დანართის სახით, რომელიც ჩაითვლება ხელშეკრულების განუყოფელ ნაწილად.

10.5. მხარეთა შორის წარმოშობილი სადავო საკითხები წყდება ურთიერთშეთანხმებითა და მოლაპარაკებების გზით; იმ შემთხვევაში, თუ შეთანხმება არ

იქნება მიღწეული უთანხმოების წარმოშობიდან 15 დღის განმავლობაში, დავა გადაწყდება სასამართლოს მეშვეობით საქართველოს კანონმდებლობის შესაბამისად.

მუხლი 11. მხარეთა რეკვიზიტები და ხელმოწერები

შემსყიდველი:

შპს „სახელმწიფო სამშენებლო კომპანია“

ს/კ: 205140257

მისამართი: თბილისი, ოთარ ჩხეიძის 10

ბანკი: სს „თიბისი ბანკი“

კოდი: TBCBGE22

ა/ა: GE17TB1100000360200175

ხელმოწერა

მიმწოდებელი:

შპს „ვი დი ჯი გრუპი“

ს/კ: 204560607

მისამართი: თბილისი, სარაჯიშვილის გამზ. №6

ბანკი: სს „საქართველოს ბანკი“

კოდი: BAGAGE22

ა/ა: GE03BG0000000736924500

ხელმოწერა

დ ა ნ ა რ თ ი N1
(2017 წლის 20 თებერვლის Nელ.ტ.20.02.17 ხელშეკრულებაზე)
(გამარტივებული ელექტრონული ტენდერი SPA170001721)

ქ. თბილისი ,

20 თებერვალი 2017 წელი

#	საქონლის დასახელება და მახასიათებლები	წარმოშობის ქვეყანა/მწარმოებელი ორგანიზაცია	რაოდენობა	ერთეულის ფასი (ლარი დღგ-ს ჩათვლით)	საერთო ფასი (ლარი დღგ-ს ჩათვლით)
1	ტუალეტის ქაღალდი ორი ფენა, სიგრძე 90მ, ზედაპირი რელიეფური ტვიფრით, ადვილად ხსნადი წყალში	საქართველო/შპს ვი დი ჯი გრუპი	500 ცალი	1.80	900.00
2	ხელსახოცი ქაღალდი ორი ფენა, სიგანე 20სმ, სიგრძე 150მ, ზედაპირი რელიეფური ტვიფრით, მაღალი გამშრალეობის უნარის, ქაღალდი არის მყარი და ადვილად არ იშება ფენებად	საქართველო/შპს ვი დი ჯი გრუპი	156 ცალი	7.00	1092.00
3	თხევადი ქაფი 1ლ ქილაში, 2500 ჩამოსხმა, უნივერსალური, მაღალი ხარისხის, ანტიბაქტერიული, დამარბილებელი და დამატენიანებელი ეფექტით	თურქეთი/BAYER KIMYA	50 ცალი (ქილა)	3.50	175.00
4	მყარი საპონი 100გრ-იანი ინდივიდუალური შეფუთვით, ანტიბაქტერიული, მგრძნობიარე კანისთვის, არომატიზირებული	თურქეთი/ATESSOMN EZ KIMYA	400 ცალი	1.00	400.00
5	ტუალეტის ქაღალდი ობუხოვის ტიპის, 65 მეტრი, ერთფენიანი, ადვილად ხსნადი წყალში	საქართველო/ შპს ჯორჯიან ფეიფერ ფროდაქშენ	2000 ცალი	0.38	760.00
					ჯამი: 3327.00

შემსყიდველი:

მიმწოდებელი:

შპს „სახელმწიფო სამშენებლო
კომპანია“

შპს „ვი დი ჯი გრუპი“

ს/კ: 205140257

ს/კ: 204560607

 /გ. შენგელია/

 /გ. კალანდარიშვილი/

